



25.05.2022

UPA2022/125

Emanuel Nûko

**Meeqqanik kinguaassiutitigut atonerluisartut pillaatisinikunut nakorsartinnikkut kinguaassiutitigut atuinissamut piomassusaarutitaanissamik (medicinsk kastration) aammalu meeqqat kinguaassiutitigut atonerlugaasimasutut sullinneqartunut tarnikkut ikiorserneqarnermut aningaasartuutit tamakkiisumik akiliisinneqartalernissaanik pisussaataasalernissaanik pillaatissiisalernissaat pillugit oqallisissiatut siunnersuut.**

(Inatsisartunut ilaasortaq, Nivi Olsen)

## **Oqaluuserinera**

Oqallisissiamut siunnersuuteqartoq Inatsisartunut ilaasortaq Nivi Olsen, Demokraatit saqqummiussannut qujanaq.

Kialluunniit meeqqanik kinguaassiutitigut kanngutsaatsuliorneq akuerisinnaangilluinnarpaa, tamanna qaqugumulluunniit qanorluunniit akuersaarneqarsinnaangilaq.

Kinguaassiutitigut kanngutsaatsuliorfigitissimasut inuunertik naallugu anniaatigisarpaat ilaatigullu annaasaqarnermik kinguneqarsinnaasarluni ajoraluartumik, taamaattumik Naleqqamiit akuersaarsinnaangilluinnarparput kinguaassiutitigut kanngutsaatsuliortarneq.

Kinguaassiutitigut atonerluisimasut pineqaatissineqareersimanerisa kingorna aniguinerannut atatilugu nakorsaasersorlugit piomassusaarutinneqarnissaannut periarfissaasinnaasut sukumiisumik nalilersorluarneqartalernissaat Naleqqamiit siunnersuuteqartumut kaammattuutigerusupparput.

siunissamimmi kianguaassiutitigut kanngutsaatsulioqqinnissaannut pinaveersaartitsinissaq aqqutissiuunniissannut tamaviaarussisariaqartugut Naleqqamiit isumaqaratta, tamannami sumiikkaluaruttaluunniit akuersaarsinnaangilarput kinguaassiutitigut kanngutsaatsuliornerit inuiaqatigiinni akuerinngilluinnarqissaaripput sakkortuumik ataatsimoorfigisariaqarluinnalerparput.



Kinguaassiutitigummi kanngutsaatsuliornerit inoqatinut innarliinerupput amiilarnarluinnartut inuiaqatigiittut akuersaanngilluinnarlugu oqariartorfigisariaqarluinnalersut.

Pineqaatissiisarnerit annertusillugit aaqqiisoqaraluarpoq, kisianni Naleqqamiit isumaqarpugut inuiaqatigiinni taama annertutigisumik innarliisartut pineqaatissinneqartarnerat annikippallaarujussuartut aammalu aniguerernermi taamaalioqqittartut takussaammata qanoq iliuuseqartoqartariaqarluinnarnera avaqqunneqarsinnaanngitsoq Naleqqamiit isumaqarfigalutigu.

Kinguaassiutitigut kanngutsaatsuliortut katsorsarlugit taamatullu qanimut malinnaavigineqarnissaat pingaaruteqarluinnarpoq innarleeqqinnginnissaat eqqarsaatigalugu nalilersorluartariaqarput qanoq inissisimanerini taavalu qanoq katsorsartariaqarnerisut qulakkeertariaqarparput.

Pineqaatissiisarnerit suli sakkukippallaarujussuarput taamatullu kinguaassititsigut kanngutsaatsuliortartut pineqaatissinneqartarnerat sakkortunerisut nunatsinni atuutsittariaqaraluarpagut, ilaatigummi naammattuukkatta ilagisarpaat kinguaassiutitigut kanngutsaatsuliorsimasut aniguerernerisa kingorna kinguaassiutitigut kanngutsaatsuliornerit peqqittarsimasut, taamatut kanngutsaatsulioqqittarnerit peqqittannginnissaat pinaveersaartittariaqarluinnarparput sapinngisarput tamaat atorlugu

Illersugassatta annerpaartarivaat kinguaassiutitigut kanngutsaatsuliorfigineqarsimasut meeqqaniit utoqqarnut, taakku annertuumik illersugaanissaat ikiorserneqarluartarnissaat pingaartorujussuartut isigaarput, taavalu toqqissillutik inuiaqatigiit akornaniinnissaat, kiammi kinguaassiutitigut kanngutsaatsuliorfigineqarsimasoq kanngutsaatsuliortoq qaammatini ikittunnguit qaangiuttut aqqusinermi takullugu qanoq ernumaneq tujormineq annertutigisarsimassanerpa?

Nunatsinnimi kinguaassiutitigut kanngutsaatsuliortarnermi pineqaatissiisarneq sakkortusariaqaraluarpoq, inuiaqatigiit ikittunnguunerput peqqutaalluni kanngutsaatsuliorsimasoq aqqusinermi takussaaqqilertarnera kanngutsaatsuliorfigineqartumit ingerlaannaq takuneqarsinnaalertarnera pissusissamisunngilaq inuiaqatigiinni tamanna akuersaanngilluinnarlugu qanoq iliuuseqarfigisariaqakatta pingaaruteqartut ilagilluinnarpaat.

Tarnikkut timikkullu ikiligaasartut naammaqaat akursaannngilluinnarlugu tamanna sakkortuumik tigussaasumillu qanoq iliuuseqarfigisariaqarluinnartut ilagaat.



Naleraq

Meerartatta illersugaanera annertusangaatsiartariaqarpoq ingammik kinguaassiutitigut kangutsaatsuliorfigineqannginnissaat angutserlugu suliniuteqarnikut.

Oqalisissiaq taamatut Naleqqamiit ersarilluinnartumik isummersorfigalutigu oqaaseqarfigaarput.